ÖLGERÐIN EGILL SKALLAGRÍMSSON HF.

Leiðbeiningar um skráningu og rafræna atkvæðagreiðslu á aðalfundi

A Skráning inn í Lumi AGM kerfið

Hluthafar nálgast aðgangsupplýsingar sínar fyrir þátttöku á fundinum með eftirfarandi hætti:

- Heimsækið <u>www.lumiconnect.com/meeting/olgerdin2023</u> og ýtið á "register".
- Skráningarsíða opnast, þar skrá hluthafar inn nauðsynlegar upplýsingar í viðeigandi reiti, setja inn mynd af gildum skilríkjum og hlaða upp afriti af umboði (ef við á).
- Mikilvægt er að hluthafar skrái rétt netfang og farsímanúmer með viðeigandi landsnúmeri, að öðrum kosti er ekki hægt að tryggja að aðgangsupplýsingar skili sér.
- Þegar skráningu er lokið eiga hluthafar að fá sjálfkrafa tölvupóst á uppgefið netfang til staðfestingar um að beiðni um skráningu hafi borist.
- Á fundardegi eiga hluthafar að fá annan tölvupóst sem inniheldur hlekk á Lumi AGM svæðið þar sem atkvæðagreiðslan fer fram. Innskráningarupplýsingar, þ.e. notandanafn og lykilorð, verða afhentar á fundarstað fyrir upphaf fundar.
- Athugið að allir hluthafar sem hyggjast greiða atkvæði á fundinum þurfa að nálgast aðgangsupplýsingar sínar fyrir fundinn í samræmi við framangreint og skrá sig inn í Lumi AGM í upphafi fundar.

B Kosning með Lumi AGM

Kosning með Lumi AGM um tillögur og önnur mál sem lögð verða fyrir fundinn fer fram með eftirfarandi hætti:

- Opnað verður fyrir kosningu um allar fyrirliggjandi tillögur í upphafi fundar.
- Ýtið á Lumi AGM hlekkinn sem berst með tölvupósti. Þó er einnig hægt að stimpla inn fundarkóðann, sem einnig berst með tölvupósti, í "meeting ID" reitinn.
- Fyllið út viðeigandi reiti með notandanafni (e. Username) og lykilorði (e. Password), í samræmi við lið A hér að ofan.
- Í Lumi AGM kerfinu koma fram upplýsingar um nafn hluthafa, kennitölu, hlutafjáreign og fjölda atkvæða sem hluthafi fer með á fundinum.
- Lista með öllum tillögum fundarins og valmöguleikum við atkvæðagreiðslu um þær má finna með því að ýta á "VOTING".
- Ýtið á viðeigandi valmöguleika við hverja og eina tillögu eftir því hvernig ætlunin er að kjósa um tillöguna. Þegar valmöguleiki hefur verið valinn birtast staðfestingarskilaboð. Ýtið á annan valmöguleika til að skipta um skoðun, sá valmöguleiki sem síðast er valinn gildir. Ýtið á "Cancel" til að hætta við.
- Ef stjórnarkjör fer fram á fundinum skal hluthafi velja nöfn þeirra frambjóðenda til stjórnar félagsins sem hann vill greiða atkvæði sitt. Verði beitt annarri aðferð við stjórnarkjörið verða nánari leiðbeiningar um fyrirkomulag atkvæðagreiðslunnar veittar á fundinum.
- Ef nöfn frambjóðenda til stjórnar félagsins eru jafnmörg fjölda þeirra stjórnarmanna sem kjósa skal, er sjálfkjörið í stjórn félagsins og verður þá ekki hægt að greiða atkvæði við þann dagskrárlið.
- Ölgerðin Egill Skallagrímsson hf. áskilur sér rétt til að óska staðfestingar á öllum atkvæðum sem greidd eru með rafrænum hætti, þar á meðal en ekki takmarkað við, að óska staðfestingar frá viðkomandi hluthafa, með þeim hætti sem félagið telur nauðsynlegt á hverjum tíma. Vakni efasemdir um lögmæti atkvæðis sem greitt hefur verið með rafrænum hætti er heimilt að setja það til hliðar þar til fullvissa er fengin um lögmæti þess. Fáist ekki fullvissa um lögmæti atkvæðis eða atkvæðagreiðslu skal fundarstjóra heimilt að úrskurða viðkomandi atkvæði eða nýtingu þess ógilda.